

Comision a recomenda "Management Team" pa dirigi carnaval di Aruba

ORANJESTAD(AAN): E rapport di Vision 2000, comision cu a keda instala pa gobierno di Aruba pa entrega na Gobierno dentro di 50 dia despues di carnaval un rapport relaciona cu desarrollo di carnaval riba nos isla, a wordo entrega na gobierno y ministro Beke na su urno a entrega esaki tambe na president di Staten, mientras cu medianan di publicidad tambe a ricibi copia di e rapport.

Den introduccion ta ser menciona cu ultimo 25 aña carnaval di Aruba a muestra un mester di un cambio pa ta as al dia cu e celebracion en su totalidad.

Sigur ta cu ultimo 22 aña nan problemanan cu a manifesta nan mes, actualmente ta casi identico y a feri na e rapport di dia 24 di februari 1975, traha pa res. Julio Maduro, Elias ingal, Ronny Brete y Johnny Oduber.

Recomendacionnan y criticanan cu a bini dilanti den e rapport cu a ser entrega na SAC a keda un banda te dia di awe, a pesar cu a bini cambio den organizacion di algun evento pero cu pa awe no ta adecuado mas tampoco.

For di 1984, anualmente tin problemanan relaciona cu actividadnan di carnaval. A yega asina leeuw cu Gobierno a institui un "Comision di Bon Voluntad" pa coordina cierto eventonan na dos ocasion ultimo diez aña, debi na problemanan cu a causa un crisis den carnaval.

Na aña 1993 asina cu carnaval a termina, 3 dia despues un comision apart di "Buena Voluntad", a cuminsa reuni semanalmente y despues cada dos siman te cu luna di september analizando carnaval di Aruba.

Dia 7 di october 1993 e "Comision di Buena Voluntad" a entregana SAC un rapport cu nunca a mira luz di bida den e fundacion di carnaval di Aruba.

Copia di e rapport aki tambe a ser entrega na gobierno, hunto cu e rapport di Vision 2000, y ta muestra entre otro, cu "di parti di SAC no tin cooperacion ni un comunicacion habri y honesto cu otro agrupacionnan".

A ser muestra cu SAC -- principalmente dirigenan di SAC -- "ta actuando cu mala fe, dictatorial, y unilateralmente ta

hinca programa den otro".

Tambe a ser menciona cu si SAC sigui cu e terquedad cu e tin "Carnaval di Aruba ta core peliger grandi di cai den otro".

Un lista di recomendacionnan a ser poni den e rapport.

SITUACION 1997

E aña aki e situacion a bira mas critico, cu tabata tin hasta duda den organizacion di eventonan di carnaval y parada.

Gobierno a institui un "Comision di Vigilancia" pa coordina cierto actividadnan, cual comision a ser amplia despues cu mas persona riba tur tereno di carnaval, cual comision a ser denomina "Comision Vision 2000".

Comision Vision 2000 a tene varios reunion y finalmente a keda cu cada miembro lo entrega un informe di su pensamentonan, opinionnan, sugerencianan, recomendacionnan y vision riba futuro di carnaval di Aruba y riba diferente actividadnan di carnaval y organizadornan di carnaval. Tur esaki incluso cu opinionnan di comunidad riba celebracion di Carnaval.

E informenan aki lo mester a keda entrega dia 10 di maart locual mayoria a cumpli cune tambe. Otronan debi na ausencia riba nos isla y asuntonan familiar net e periodo ey no a logra entrega informe por escrito.

Den e reunion di 10 di maart a reuni un comision cu lo trata e informenan cu a drenta y formula un concepto di rapport, cual concepto mester ta cla pa e reunion di Comision Vision 2000 di dia 19 di maart 1997.

Comision Vision 2000 ta di opinion cu **Reestructuracion di Carnaval mester cuminsa mas pronto posible.**

Tin un trabao inmenso cu mester tuma lugar pa Aruba por tin un carnaval organiza y sin problema na 1998 y despues.

Tur informe cu a drenta di miembronan di Comision Vision 2000 ta indica riba e trabaoan aki y riba e falta di organizacion di tur actividad di carnaval di programa di SAC.

Sugerencianan y recomendacionnan a bin dilanti den tur e relatonan riba cada un di e aspectonan di carnaval. Tur ta sugerencianan y ideanan cu mester cuminsa traha riba nan for di awor caba a mehoracion di cada un di e actividadnan.

Mester bin relgamento pa cada actividad y trece cambio di estructura di tur actividad y ademas bin cu actividadnan nobo durante e temporada.

== Informe Juby Naar tabata masha extenso riba tur esakinan y cu SAC no ta funcionando.

== Informe Lucio Rivandeneira a muestra riba e desorganizacion di actividadnan musical y falta di creatividad y fantasia di parti di organizadornan. Tambe gastonan cu un of otro partido tin den e parti

musical no por justifica nan participacion mas.

== Informe Mundo Albus a muestra riba e cambio completo cu mester bin den e organizacion (SAC) y cu e fundacion no ta cumpli cu su estatutonan.

== Informe John Flemming tambe a elabora riba e sugerencianan y recomendacion y cu mester cuminsa cu formacion di un mihor comision di carnaval.

== Informe Marcia Stamper tambe a muestra riba e situacion critico di carnaval y riba rapport 1993 di comision di Buena Voluntad y cu mester di un restructuracion di organizacion di carnaval.

== Informe Ruben Garcia a basa riba recomendacionnan relaciona cu organizacion di actividadnan di carnaval.

== ARMA a trece dilanti sugerencianan den su informe.

== Carnavalista Rogerio Croes den su fax a muestra riba sugerencianan.

== Informe Maybeline Arends Croes tambe a muestra riba e crisis di carnaval y cu a bira tempo pa maneha Carnaval manera un empresa y a sugerir un "Management Team" locual a bin dilanti di tur miembro continuamente durante e reunionnan. El a presenta tambe sugerencianan y recomendacionnan.

== Informe Bibi Arends tabata cortico pero a muestra claramente cu "nos carnaval ta den un situacion asina critico cu si no gara e problema na su raiz, otro aña por wel lubida riba carnaval".

E tambe a sugerir un "Management Team", y un "Petite Comite" a traha riba esaki, locual a ser entrega tambe den e rapport pa gobierno.